

Dydd Mawrth, 4 Chwefror 2003

AGENDA

Bydd y Sesiwn yn dechrau am 2.00pm

Eitem 1 Cwestiynau Llafar i'r Prif Weinidog

Cliciwch [yma](#) i weld y cwestiynau

Eitem 2 Datganiad Busnes: Y Trefnydd

Cliciwch [yma](#) am y Datganiad Busnes Drafft

Eitem 3 Cynnig i drafod cynnig o gerydd o dan Reol Sefydlog 6.4

NNDM1331 - Nicholas Bourne, Peter Rogers, Glyn Davies, Jonathan Morgan, David Melding, David Davies, Alun Cairns, William Graham, David Ian Jones:
Mae Cynulliad Cenedlaethol Cymru yn ceryddu'r Gweinidog dros Ddatblygu Gwledig a Chymru Dramor am ei anallu.

Eitem 4 Cynnig i gymeradwyo *The Voluntary Adoption Agencies and the Adoption Agencies (Miscellaneous Amendments) Regulations 2003* o dan Reolau Sefydlog 23.10, 23.11 & 22.25 - *Ni symudir yr eitem hon.*

NDM1330 - Cynnig bod Cynulliad Cenedlaethol Cymru, gan weithredu o dan Reol Sefydlog 23.10:

Yn cymeradwyo *The Voluntary Adoption Agencies and the Adoption Agencies (Miscellaneous Amendments) Regulations 2003*, y Memorandwm Esboniadol a'r Arfarniad Rheoliadol, a osodwyd i gyd yn y Swyddfa Gyflwyno ac a e-bostiwyd at Aelodau ar 28 Ionawr 2003.

Cliciwch [yma](#) am y *Voluntary Adoption Agencies and the Adoption Agencies (Miscellaneous Amendments) Regulations 2003* - Ni chyflwynwyd copi Cymraeg yn y Swyddfa Gyflwyno
Cliciwch [yma](#) am y Memorandwm Cywiriadau - Ni chyflwynwyd copi Cymraeg yn y Swyddfa

Gyflwyno

Cliciwch [yma](#) am yr Arfarniad Rheoliadol - Ni chyflwynwyd copi Cymraeg yn y Swyddfa

Gyflwyno

Eitem 5

Cynnig i gymeradwyo'r Rheoliadau Safonau Gofal (Gwasanaethau Maethu) (Cymru) 2003

NDM1328 - Cynnig bod Cynulliad Cenedlaethol Cymru:

Yn ystyried egwyddor *The Fostering Services (Wales) Regulations 2003* a osodwyd yn y Swyddfa Gyflwyno ar 24 Ionawr 2003.

NDM1329 - Cynnig bod Cynulliad Cenedlaethol Cymru:

1. Yn ystyried adroddiad y Pwyllgor Deddfau nad yw'n tynnu sylw arbennig y Cynulliad at unrhyw fater o dan Reol Sefydlog 11.5, mewn perthynas â'r gorchymyn drafft, *The Fostering Services (Wales) Regulations 2003*, a osodwyd yn y Swyddfa Gyflwyno ar 21 Ionawr 2002;

2. Yn cymeradwyo bod y Gorchymyn yn cael ei wneud yn unol â'r drafft a'r Asesiad o Effaith Rheoliadol a osodwyd yn y Swyddfa Gyflwyno ar 24 Ionawr 2003.

Cliciwch [yma](#) am Rheoliadau Gwasanaethau Maethu (Cymru) 2003

Cliciwch [yma](#) am Adroddiad y Pwyllgor Deddfau

Cliciwch [yma](#) am yr Asesiad o Effaith Rheoliadol - Ni chyflwynwyd copi Cymraeg yn y Swyddfa Gyflwyno

Eitem 6

Dadl a enwebwyd gan Kirsty Williams yn unol â Rheol Sefydlog 29

NDM 1283 - Cynnig o dan Reol Sefydlog 29.2 bod Cynulliad Cenedlaethol Cymru:

1. Yn cyfarwyddo'r Gweinidog Iechyd a Gwasanaethau Cymdeithasol i ddwyn is-ddeddfwriaeth gerbron o dan Adrannau 77, 83, 83A a 126(4) a pharagraff 1 Atodlen 12 Deddf Gwasanaeth Iechyd Gwladol 1977 i ddarparu bod person sy'n dioddef o gyflwr cronig gydol-oes y mae angen meddyginiaeth reolaidd arno yn cael ei eithrio rhag talu am bresgripsiynau.

2. Yn nodi y bydd hyn yn chwalu'r rhwystrau ariannol diangen sy'n rhwystro pobl rhag gallu rheoli eu salwch yn effeithiol yn y tymor hir.

DS Cyflwynwyd 'Cost Benefit Analysis' ar gyfer yr is-ddeddfwriaeth hon ar 28 Ionawr 2003 ac mae ar y Fewnrwyd a'r Rhyngwrwyd

Cliciwch [yma](#) am Cost Benefit Analysis - Ni chyflwynwyd copi Cymraeg yn y Swyddfa Gyflwyno

Eitem 7

Dadl Plaid Leiafrifol: Plaid Cymru

NDM1327 - Mae Cynulliad Cenedlaethol Cymru:

Yn gresynu at fethiant y Llywodraeth i lunio cynllun manwl sy'n caniatáu defnyddio'r adnoddau sydd ar gael i sefydlu dulliau cyfathrebu ffisegol ac electronig effeithlon ledled Cymru fel elfen allweddol o economi fodern lwyddiannus;

ac yn gresynu hefyd at y methiant i sefydlu cyrff priodol gyda'r pŵer i weithredu strategaethau ar gyfer Cymru o fewn y meysydd polisi hynny a reoleiddir yn gyffredinol gan yr SRA a'r OFCOM arfaethedig.

Cyflwynwyd y gwelliannau canlynol:

Yn unol â'r canllawiau diwygiedig ar Grwpio, Dewis a Gwrthod Gwelliannau, mae'r Llywydd wedi penderfynu ym mha drefn y dylid eu cymryd ac mae wedi penderfynu grwpio'r gwelliannau fel a ganlyn at ddibenion trafodaeth. Bydd y pleidleisiau'n cael eu cymryd yn unigol:

(1)+(2)

(3)+(4)+(5)+(6)+(7)+(8)

Gwelliant 1 - Carwyn Jones (Pen-y-bont ar Ogwr)

Dileu "Yn gresynu at fethiant y Llywodraeth i lunio cynllun manwl" ac yn ei le rhoi "Yn croesawu mentrau gan y Llywodraeth"

Gwelliant 2 - Carwyn Jones (Pen-y-bont ar Ogwr)

Dileu popeth ar ôl "economi fodern lwyddiannus;"

Gwelliant 3 - Jonathan Morgan (Canol De Cymru)

Dileu'r ail bwynt ac yn ei le rhoi:

'yn credu y dylai Cymru gael ei chynrychioli ar bob corff sy'n effeithio ar Gymru o fewn y meysydd a reoleiddir gan yr Awdurdod Rheilffyrdd Strategol ac OFCOM.'

Gwelliant 4 - Jonathan Morgan (Canol De Cymru)

Ychwanegu ar ddiwedd y cynnig;

Yn galw ar Lywodraeth Cynulliad Cymru i drafod gyda Llywodraeth y DU a oes modd iddynt sicrhau y darperir trwydded mynediad diwifr sefydlog ar gyfer cyfathrebu band eang – yn yr arwerthiant 3.4 GHz i ddechrau ac ym mhob arwerthiant wedi hynny – sy'n diwallu anghenion Cymru gyfan, yn ogystal ag yn bodloni'r gofynion o ran lledaenu'r gwasanaeth.

Gwelliant 5 - Jonathan Morgan (Canol De Cymru)

Ychwanegu ar ddiwedd y cynnig:

Yn galw ar Lywodraeth Cynulliad Cymru a'i hasiantaethau yn y sector preifat i ddefnyddio'r rhwydwaith band eang sydd ar gael i'r sector preifat lle bynnag y bo modd, ar ôl rhoi ystyriaeth briodol i ddiogelwch, er mwyn creu mwy o alw fel y bydd y cwmnïau telegyfathrebu yn gallu cynnig costau cysylltu is i fusnesau ac i gartrefi.

Gwelliant 6 - Jonathan Morgan (Canol De Cymru)

Ychwanegu ar ddiwedd y cynnig:

Yn galw ar Lywodraeth Cynulliad Cymru i ymrwymo i ddarparu ffordd liniaru'r M4 o Gas-bach i Fagwyr, a fyddai'n golygu bod llai o draffig yn mynd drwy Dwnelau Bryn-glas yng Nghasnewydd.

Gwelliant 7 - Jonathan Morgan (Canol De Cymru)

Ychwanegu ar ddiwedd y cynnig:

Yn galw ar Lywodraeth Cynulliad Cymru i ymrwymo i wneud gwelliannau i'r A470, y brif ffordd gyswllt rhwng y Gogledd a'r De.

Gwelliant 8 - Jonathan Morgan (Canol De Cymru)

Ychwanegu ar ddiwedd y cynnig:

Yn galw ar Lywodraeth Cynulliad Cymru i ymrwymo i ddarparu ffordd fodern i fynd i Faes Awyr Caerdydd.

Bydd y cyfarfod yn dod i ben am 5.30pm

Cynhelir Cyfarfod Llawn nesaf y Cynulliad am

2.00pm ddydd Mercher, 5 Chwefror 2003

E P Silk

Clerc y Cynulliad